

# Tshebetso ya Thapelo bakeng sa barutwana ba Grade 12

Nako ya dihlahlobo tsa makgaola-kgang e fihlile. Tang-tang e se e tla kangwa ke lerole ho barutwana ba Grade 12. Ke nako eo barutwana bana ba hloka tshebetso kahohle-hohle.

Ke kahoo Mmuso wa Foreistata tlasa ketapele ya Moprimiri Sisi Ntombela o ile wa tshwara tshebetso ya thapelo bakeng sa baithuti ba Grade ka Sontaha sekolong sa Kgolathuto Senior Secondary se leng Phuthaditjhaba, Masepaleng wa Maluti a Phofung.

Ntombela o ne a tsamaya hammoho le Letona la naha la Thuto ya Motheo Angie Motshekga, le Letona la Thuto Foreisitata Tate Makgoe.

Puong ya hae le baithuti ba neng ba kgobokane moo Letona Motshekga o thohleditse profensi ya Foreisitata ka mosebetsi o motle thutong ya bana. O boletse ha profensi ya Foreisitata e tswelapele ho phahamisa boemo ba thuto kahara naha ka sephetho se setle dihlahlobong tsa bona. "Ha ho na se bohlokwa naheng ho feta



bana ba rona. Foreisitata e tsetse haholo thutong ya batjha, naha ena e tobane le phepetso ya bofuma mme ho tsetela thutong ya batjha ke enngwe ya mekgwa ya ho netefaletsa bokamosong bo tjabheng. Thuto ke sentlolo sa ho lwantshana le phepetso tse tharo e leng ho hloka teketekano, bofuma le tlhokeho ya mosebetsi" ho rialo Motshekga. Ntombela yena o hlalositse ha molaetsa wa profensi ya habo e le o hlakileng, e mong le e mong o tlameha ho etsa se molelo ka ho fetisisa dihlahlobong tse tsa Monokgwaha. "Le ha re amohela kगतello e tlang le dihlahlobo tse tsa makgaolakgang, tshepo ya rona ke ho re baithuti ba rona ba se ke ba fellwa ke tshepo mme ba bontshe seo ba ithutileng sona mahareng a selemo. "Barutwana bana ba selemo sena sa 2022 ba tobane le phepetso e kgolo ya ho se theole maemo a behilweng ke bo mphato ba bona selemong se fetileng a boemo ba pele, mme ka tlasa tataiso ya Letona la Thuto Tate Makgoe re tla fihlella seo" ho hlalositse Ntombela.



## Graduation PACKAGE

1st PACKAGE	2nd PACKAGE	3rd PACKAGE
1x Coffee Mug	1x Coffee Mug (*No Color Changing)	1x Coffee Mug (*No Color Changing)
1 x A4 class photo	1 x A4 class photo	1 x A4 class photo
1 x A4 Certificate (Framed)	1 x A4 Certificate (Framed)	1 x A4 Certificate (Framed)
2 x normal size Photos	2 x normal size Photos	2 x normal size Photos
<b>R149</b>	<b>R190</b>	<b>R240</b>
	1 x Key Holder	1 x Key Holder
		1 x Fridge magnet

NB: Prices include photoshoot and photo editing  
Minimum order 20.

**Address : 23 Kgudiso Business Centre, Zamdela, Sasolburg**  
**Call: 071 909 2442 / 073 709 9598 (also on whatsapp)**

You can now Boost your Business & Advertise on our social Media platforms

(Website & Facebook-page)

Website: [www.puisano-ditaba.co.za](http://www.puisano-ditaba.co.za)

Contact us at **079 185 0270**

**SEBATA**  
MATHA A POONE  
0588 137222  
+27 77 071 9738  
+27 67 806 8984

# Botlokotse bo hlobaetsa setjhaba



Mmuso wa Foreistata o kgathatsehile haholo ke sekgahla seo tshebediso ya dithetefatsi e nyolohang ka sona, maqulwana a botlokotsebe a ntseng a ata le tahi batjheng. Hodima tse na le botlokotsebe ba utswetsa baahi le ho thuba matlong a bona. Diketsahalo tse na di bonahetse di ja setsi ditoropong tsa Phiritona (Heilbron), Namahadi (Frankfort), Qalabotjha (Villiers) le Thembalihle (Vrede).

Baahi ba ditoropo tse na ba se ba bile ba inkella molao matsohong ho lwantshana le ketso tsa botlokotsebe.

Maemo ana a ditaba a bile a susumetsa Moprimiri wa Foreistata, Sisi Ntombela,

hammoho le Letona la Sepolesa, Ditsela le dipalangwang William Bulwane, ho etela motse wa Namahadi, Frankfort le Thembalihle, Vrede ho buisana le baetapele ba motse hammoho le baahi.

Leeto le qadile Namahadi, Frankfort moo baahi ba ileng ba inkella molao matsohong ka ho otlala le bo bolaya ka sehloho batho ba babedi ba belaelwang ka ho hweba ka dithetefatsi.

Ho la Namahadi, Frankfort, moifo ona wa Tonakgolo le letona o kopane le Majoro wa Mafube Cllr Tloare Motshoeneng le Makhanselara, Sepolesa sa lehae hammoho le baahi.

Letona Bulwane o tobokeditse hore pharela ena e ama bohle mme ka hona ba nka karolo ba tleemeha ho sebetsa mmoho le Sepolesa le baahi. Tonakgolo Ntombela le yena o kgalemetse ka bohale le ho toboketsa hore botlokotse, tahi le tshebediso e mpe ya dithetefatsi ha se bothata ba Namahadi fela, empa bo akaretsa le profensi ena ya Foreisitata.

Kamorao ho moo Bulwane o lebile motseng wa Thembalihle Vrede moo le teng mathata ana a jeleng setsi haholo. Letona le kopile baaahi ho ba leihlo le ditsebe tsa Sepolesa ka ho se tsebisa tse etsahalang hara motse le ho sebetsa mmoho. Letona le kopane le Majoro wa Masepaleng wa Phumelela Mbuyiseni Kobeni, Makhanselara le Morena Tsotsetsi hammoho le moifo wa Sepolesa o neng o etelletswepele Mokhomishinara Brigadier Ramolla ho tswa Seterekeng sa Thabo Mofutsanyana, hammoho le ba nka karolo ba bang.

